

**Votaziun dal pievel dals  
12 da favrer 2017  
Explicaziuns dal Cussegl federal**

- 1 Conclus federal davart la naturalisaziun facilitada da persunas estras da la terza generazjun**
- 2 Conclus federal davart la creaziun d'in fond per las vias naziunalas ed il traffic d'aglomeraziun (NAF)**
- 3 Lescha davart la refurma da la taglia sin interpresas III**



Schweizerische Eidgenossenschaft  
Confédération suisse  
Confederazione Svizzera  
Confederaziun svizra



## Davart quai vegni votà

### Conclus federal davart la naturalisaziun facilitada da persunas estras da la terza generazion

Persunas estras giuvnas, da las qualas las famiglias vivan dapi generaziuns en Svizra e ch'èn bain integradas en noss pajais, duain pudair profitar d'ina naturalisaziun facilitada. Questa decisiu dal parlament basegna ina midada da la Constituzion federala.

Emprim  
project

Infurmaziuns davart quest project

paginas 4–11

Text da votaziun

pagina 8

### Conclus federal davart la creaziun d'in fond per las vias naziunalas ed il traffic d'aglomeraziun (NAF)

Il project vul garantir la finanziaziun da las vias naziunalas e dals projects en las aglomeraziuns e crear per quest intent in fond da durada illimitada. Uschia vul ins eliminar stretgas sin las vias naziunalas, garantir lur gestiun e mantegniment e cofinanziar projects en las aglomeraziuns.

Segund  
projec

Infurmaziuns davart quest project

paginas 12–25

Text da votaziun

pagina 19–22

### Lescha davart la reforma da la taglia sin interpresa III

La reforma da l'imposiziun da taglia sin interpresa III abolescha l'imposiziun d'ina taglia reducida sin las societads da holding, sin las societads da domicil e sin las societads maschadadas. Ella rinforza cun novas mesiras la competitivitat da la Svizra e procura per libertad d'agir areguard la politica da finanzas per ils chantuns.

Terz  
project

Infurmaziuns davart quest project

paginas 26–46

Text da votaziun

pagina 38–46

## **Conclus federal davart la naturalisaziun facilitada da persunas estras da la terza generaziun**

**La dumonda da votaziun è:**

Vulais Vus acceptar il conclus federal dals 30 da settember 2016 davart la **naturalisaziun facilitada da persunas estras da la terza generaziun?**

**Il Cussegl federal ed il parlament recumondan d'acceptar  
la midada da la Constituziun federala.**

Il Cussegl naziunal ha acceptà il project cun 122 cunter 75 vuschs senza abstensiuns, il Cussegl dals chantuns cun 25 cunter 19 vuschs senza abstensiuns.

## Il pli impurtant en furma concisa

En Svizra viven persunas estras giuvnas, da las qualas ils nons èn immigrads en Svizra ed ils geniturs èn creschids si qua tar nus. Questas giuvnas e queste giuvens èn naschids ed èn ids a scola qua en Svizra. Els èn commembres d'in club da sport, chantan en in chor u s'engaschan en in'autra uniun. Lur patria è la Svizra. Sch'els vulan sa laschar naturalisar, ston els actualmain absolver ina procedura da naturalisaziun lunga e savens fitg plauna che chaschuna gronds custs.

Situaziun da partenza

Il Cussegl naziunal ed il Cussegl dals chantuns vulan midar quai. Els han concludì ina nova disposiziun constituziunala che permetta a persunas estras giuvnas bain integradas da la terza generaziun da sa laschar naturalisar pli facilmain.

Davart tge vegni votà?

Simplifitgada vegn mo la procedura. Er en l'avegnir na vegn nagin naturalisà automaticamain: Persunas che vulan acquistar il dretg da burgais, ston inoltrar ina dumonda ed er vinavant ademplir ina retscha da premissas. Il parlament ha già adattà la lescha. Sche la nova disposiziun constituziunala vegn acceptada, davart la quala i vegn votà en quest project, po entrar en vigur la lescha midada, nun ch'i vegnia fatg in referendum.

Tant il parlament sco er il Cussegl federal beneventan che la naturalisaziun da persunas estras giuvnas da la terza generaziun vegn facilitada. Questas persunas giuvnas han vivì fin ussa l'entira vita en Svizra e duain perquai pudair sa laschar naturalisar pli facilmain. Els èn ina part impurtanta da nossa societad ed han per regla ina relaziun pli ferma cun la Svizra che cun il pajais d'origin da lur nons.

Puntg da vista dal  
Cussegl federal e dal  
parlament

## Il project da votazion en detagi

La Svizra enconuscha dus tips da naturalisaziun: la naturalisaziun ordinaria e la naturalisaziun facilitada. Il pli savens vegn applitgada la procedura da la naturalisaziun ordinaria. Quella è en emprima lingia ina incumbensa dals chantuns e da las vischnancas. Ina naturalisaziun ordinaria dura savens blers onns e fatschenta in grond dumber d'autoritads.

Dus tips da naturalisaziun

La naturalisaziun facilitada è oz per exemplu pussaivla per conjugals da burgaisas e da burgais svizzers ed è ina incumbensa da la Confederaziun. En cas d'ina naturalisaziun facilitada èn ils andaments pli simpels e la procedura bler pli curta. Ils chantuns vegnan medemamain involvids e pon s'exprimer davart mintga cas. Il Cussegli federal ed il parlament vulessan ussa adattar la Constituzion uschia, che la Confederaziun survegnia da nov er la cumpetenza da naturalisar sut tschertas premissas pli facilmain persunas estras giuvnas da la terza generaziun.

Naturalisaziun facilitada per la terza generaziun

Simplifitgada vegn mo la procedura. Ils criteris d'integrazion per la naturalisaziun percuter restan ils medems. Sco en ils cas da las naturalisaziuns ordinarias vul quai dir che las persunas estras giuvnas ston en emprima lingia esser bain integradas. Tgi che vul vegnir naturalisà, sto pia respectar noss urden giuridic e las valurs da la Constituzion federala – sco per exemplu l'egalidad da la donna e da l'um u la libertad da cretta e da conscientzia. La persuna sto er savair ina lingua naziunala, ademplir sias obligaziuns finanzialas e pajer las taglias. Tgi che retira agid social, na po betg sa laschar naturalisar.

Integrazion:  
ils criteris restan  
ils medems

Cun la midada constituziunala previsa na datti er en l'avegnir betg natralisaziuns automaticas. Anzi, mintga persuna che vul acquistar il dretg da burgais sto inoltrar ina dumonda per la natralisaziun facilitada ed ademplir las premissas ch'èn fixadas en la lescha:

- la persuna na dastga betg avair dapli che 25 onns;
- ella sto esser naschida en Svizra, avair frequentà almain 5 onns la scola obligatorica en Svizra e posseder ina permissiun da domicil;
- in dals geniturs sto avair vivì almain 10 onns en Svizra, avair frequentà almain 5 onns la scola obligatorica en Svizra ed avair acquistà ina permissiun da domicil;
- la nona u il non sto avair acquistà in dretg da dimora ubain gia esser naschida u naschì en Svizra; il dretg da dimora sto vegnir fatg valair vardaivlamain cun documents uffizials.

Nagini  
natralisaziuns  
automaticas



## Text da votaziun

### Conclus federal davart la natiralisazion facilitada da persunas estras da la terza generaziun

dals 30 da settember 2016

*L'Assamblea federala da la Confederaziun svizra,  
suenter avair gi invista dal rapport da la Cumissiun d'instituziuns politicas dal  
Cussegli naziunal dals 30 d'october 2014<sup>1</sup>  
e da la posiziun dal Cussegli federal dals 21 da schaner 2015<sup>2</sup>,  
concluda:*

I

La Constituziun federala<sup>3</sup> vegn midada sco suonda:

*Art. 38 al. 3*

- <sup>3</sup> Ella [la Confederaziun] facilitescha la natiralisazion da:
- a. persunas estras da la terza generaziun;
  - b.<sup>4</sup> d'uffants senza naziunalitat.

II

Quest conclus vegn puttamess a la votaziun dal pievel e dals chantuns.

<sup>1</sup> Fegl uffizial federal **2015** 769

<sup>2</sup> Fegl uffizial federal **2015** 1327

<sup>3</sup> CS **101**

<sup>4</sup> La natiralisazion facilitada d'uffants senza naziunalitat è già prevista en l'art. 38 al. 3 ch'è en vigur. Ella resta pussaivla independentamain dal resultat da la votaziun dal pievel.

## **Las tractativas en il parlament**

L'onn 2008 è vegnida inoltrada en il Cussegl naziunal ina iniziativa parlamentara cun la finamira che las persunas estras da la terza generaziun possian sa laschar naturalisar pli facilmain. Il project è vegnì suspendì ad interim: Il parlament vuleva l'emprim concluder la revisiun totala da la Lescha federala davart il dretg da burgais svizzer. L'onn 2014 ha il parlament la finala deliberà il dretg da burgais revedì. Silsuenter ha el cumenzà cun las tractativas davart l'iniziativa parlamentara.

Il tema è vegnì discutà en tuttas duas Chombras federalas. Ils adversaris dal project avevan tema ch'ils chantuns pudessan perder cumpetenzas da decider. Els eran da l'avis ch'i na dettia nagin basegn d'agir, damai che questas persunas giuvnas possian gia oz sa laschar naturalisar en moda ordinaria. La finala han els renvià al fatg che las votantas ed ils votants hajan gia ina giada refusà ina naturalisaziun facilitada.

Ils aderents han fatg valair che quest project sa differenzieschia fundamenteemain da la votaziun precedenta. Quella giada saja vegnì votà davart la naturalisaziun facilitada da la *segunda* generaziun e davart la naturalisaziun *automatica* da la terza generaziun. Ina part dals aderents ha ultra da quai pretendì ulteriuras facilitaziuns: L'integraziun da persunas che vulan acquistar il dretg da burgais na duaja betg pli vegnir examinada en mintga cas. Uffants da la terza generaziun duajan plinavant pudair vegnir naturalisads directamain suenter la naschientscha.

Las chombras han la finala chattà in cumpromiss. Ellas han exclus l'acquist automatic dal dretg da burgais svizzer e fixà criteris concrets per ina naturalisaziun facilitada. Ultra da quai dastga ina dumonda per ina naturalisaziun facilitada vegnir inoltrada mo fin ad ina vegliadetgna da 25 onns, per impedir che persunas estras guntgeschian l'obligaziun da far servetsch militar tras ina naturalisaziun posteriura.

La fin finala han il Cussegl naziunal ed il Cussegl dals chantuns decidì che las persunas estras giuvnas da la terza generaziun duajan pudair profitar d'ina naturalisaziun facilitada.

## Ils arguments dal Cussegl federal

**Persunas estras giuvnas, da las qualas ils nons èn gia immi-grads en Svizra, èn ina part impurtanta da nossa societad. Ellas èn idas a scola qua tar nus, pledan almain ina lingua naziunala, lavuran e pajan taglia en noss pajais. Cun la midada constituziunala previsa duai vegnir tegnì quint da questas circumstanzas. Quests umans duain pudair profitar d'ina naturalisaziun facilitada. Il Cussegl federal sustegna il project en spezial per ils sustants motivs:**

Persunas giuvnas da la terza generaziun èn fitg bain integra-das en Svizra. Ellas èn naschidas qua tar nus, sa participesch an a la vita sociala ed èn commembras d'uniuns – da medema maniera sco giuvnas Svizras e giuvens Svizzers. Cun paucs pleds: Lur patria è qua. Ellas han per regla ina relaziun pli stretga cun la Svizra che cun il pajais d'origin da lur nons.

Stretgas relaziuns  
cun la Svizra

Percunter na pon questas persunas betg sa participar a la vita politica. Ellas n'han betg il dretg da burgais svizzer che permettess da pudair surpigliar responsabladad en nossa democrazia. Perquai èsi impurtant da betg metter pals en las rodas da quellas persunas che vulan sa laschar naturalisar. La midada constituziunala proponida procura per ina proce-dura facilitada.

Surpigliar  
responsabladad

Er en cas da la naturalisaziun facilitada na vegni betg a dar in automatissem. La lescha previsa numna cleris premissas, mintga singula dumonda vegn examinada. E la finala vala: Mo tgi ch'è bain integrà, vegn naturalisà.

L'integrazion resta  
la premissa centrala

La procedura da naturalisaziun facilitada è pli simpla, dovrà cleràmain damain temp ed è pli favuraivla. Plinavant è ella sa cumprovada. Gia dapi onns vegnan conjugals da burgais svizzers naturalisads tenor questa procedura.

Procedura cumprovada

Davart naturalisaziuns facilitadas decida la Confederaziun, ils chantuns èn però er participads. Els pon s'exprimer en mintga cas er en l'avegnir. Quai è impurtant, damai ch'ils chantuns e las vischnancas han infurmaziuns che faciliteschan la lavur da la Confederaziun.

Ils chantuns  
vegنان involvids

Persunas estras giuvnas da la terza generaziun sa sentan sco part da la Svizra. Ellas pensan ed ageschan sco Svizras e Svizzers. Cun il dretg da burgais svizzer daventan elllas burgais svizzers cumplains cun tut ils dretgs e tut las obligaziuns. Uschia survegnan elllas er giuridicamain la piazza ch'ellas han già daditg en nossa societad.

Patria Svizra

**Per tut quests motivs recumondan il Cussegl federal ed il parlament d'acceptar il conclus federal davart la naturalisaziun facilitada da persunas estras da la terza generaziun.**

## **Conclus federal davart la creaziun d'in fond per las vias naziunalas ed il traffic d'aglomeraziun (NAF)**

**La dumonda da votaziun è:**

Vulais Vus acceptar il conclus federal dals 30 da settember 2016 davart la **creaziun d'in fond per las vias naziunalas ed il traffic d'aglomeraziun?**

**Il Cussegl federal ed il parlament recumondan d'acceptar la midada da la Constituziun federala.**

Il Cussegl naziunal ha acceptà il project cun 146 cunter 48 vuschs e 4 abstensiuns, il Cussegl dals chantuns cun 41 cunter 1 vusch e 2 abstensiuns.

## Il pli impurtant en furma concisa

La Svizra ha in bun sistem da traffic. Perquai che la mobilitad crescha però cuntinuadament, arriva el pli e pli fitg a ses cunfins. Tant sin las vias naziunalas sco er en las aglomeraziuns datti stretgas en blers lieus. La consequenza dal fatg che las vias vegnan frequentadas fitg bain è quella ch'ils custs per la gestiun e per il mantegniment creschan e ch'igl è necessari da schlargiar vinavant la rait da vias.

Situaziun da partenza

Per garantir a lunga vista la finanziaziun da las vias naziunalas e per pudair sustegnair finanzialmain er en il futur projects per il traffic d'aglomeraziun han il Cussegl federal ed il parlament crèa il fond per las vias naziunalas ed il traffic d'aglomeraziun (NAF). Quest fond nov ha ina durada illimitada ed è francà en la Constituziun. El possibilitescha da schlargiar pass per pass las vias naziunalas: Fin l'onn 2030 duain vegnir investids en in emprim pass circa 6,5 milliardas francs per eliminar las stretgas. Grazia a la midada constituziunala, davart la quala i vegn votà, po la Confederaziun ultra da quai sustegnair er vinavant projects en las aglomeraziuns.

Finamira dal project

Il Cussegl federal ed il parlament recumondan d'acceptar quest project. Ina rait da traffic effizienta ed attractiva è impurtanta per la Svizra. Per dumagnar la mobilitad creschenta èsi necessari da far ulteriuras investiziuns. Il NAF possibilitescha quai. Per las vias naziunalas e per il traffic d'aglomeraziun porta el ina soluziun sco ch'ella exista già analogamain per l'infrastructura da viafier, ed el procura per ina finanziaziun gista. Grazia al NAF po la rait da traffic vegnir meglierada en tut la Svizra. Da quai profitan la populaziun e l'economia.

Puntg da vista dal  
Cussegl federal e dal  
parlament

## Il project da votaziun en detagi

Il traffic en Svizra crescha dapi onns. Sin las vias naziunalas è el creschì per il dubel dapi l'onn 1990. Las prognosas da la Confederazion mussan ch'il traffic s'augmenta er vinavant.<sup>1</sup> Quai chaschuna sin las vias naziunalas anc dapli colonnas, oravant tut durant las uras da traffic intensiv, ed aumenta ils custs per la gestiun e per il mantegniment. Per il traffic d'aglomeraziun è la situaziun sumeglianta. Per garantir l'effi-  
zienza da la rait da traffic, dovri pia in ulteriur schlargiament ed ina finanziaziun suffizienta.

Situaziun da partenza

Per quest intent han il Cussegl federal ed il parlament decidì da crear in fond er per las vias naziunalas e per il traffic d'aglomeraziun, analogamain al sectur da viafier. El substi-  
tuescha il fond d'infrastructura ch'è entrà en vigur l'onn 2008. Ils daners da quel servivan fin ussa a terminar la rait da vias naziunalas, ad eliminar stretgas sco er a pajar contri-  
buiziuns per projects en las aglomeraziuns e per vias prin-  
palas en regiuns muntagnardas e perifericas. Il fond actual ha ina durada limitada e ses meds finanzials èn per gronda part vegnids attribuids.

Fond per la via  
analogamain al  
fond per la viafier

Il fond per las vias naziunalas ed il traffic d'aglomeraziun (NAF) duai gidar en quest connex: El vegn a valair illimitadament ed a finanziar en il futur er la gestiun ed il mantegniment da las vias naziunalas. Perquai ch'il NAF è francà en la Constitu-  
ziun, sto el vegnir davant il pievel. El duai entrar en vigur l'onn 2018.

Valaivladad illimitada

<sup>1</sup> En il rom da las «Perspectivas da traffic 2040» ha l'Uffizi federal da svilup dal territori (ARE) publitgà l'avust 2016 las cifras las pli actualas ([www.are.admin.ch](http://www.are.admin.ch) > Verkehrsperspektiven).

## Fond per las vias naziunalas ed il traffic d'aglomeraziun (NAF)

### Apports (entradas)

#### Gia liadas a l'intent

- 100% dal supplement da taglia sin ielis minerals
- 100% da la vignetta d'autostrada

#### Liads da nov a l'intent

- 100% da la taglia sin vehichels\*
- 10% da la taglia sin ielis minerals
- 100% da las taxes per vehichels electrics

#### Chantuns (nov)

contribuziun da cumpensaziun dals chantuns per extender la rait da vias naziunalas

### Prelevaziuns (expensas)

#### Vias naziunalas

- gestiun
- mantegniment
- eliminaziun da stretgas
- terminaziun

#### Contribuziuns a projects en las aglomeraziuns

- tranter auter per
- vias
  - vias da peduns e da velos
  - bus e trams

\* En cas da basegn vegnan attribuids retgavs da la taglia sin vehichels a la finanziaziun speziala dal traffic sin via (FSTV).

Ii NAF duai vegnir alimentà da funtaunas vertentes, ma er da novas funtaunas da finanziaziun: Las funtaunas finanzialas vertentes consistan da tut ils retgavs dal supplement da taglia sin ielis minerals<sup>2</sup> sco er da la vignetta d'autostrada. Las funtaunas novas sa cumponan dals retgavs da la taglia sin vehichels e da 10 pertschient da las entradas da la taglia sin ielis minerals. Da questas duas funtaunas resultan var 650 millions francs per onn. Fin ussa èn queste daners ids a la cassa federala. Da nov duain els vegnir duvrads per il NAF. A partir da l'onn 2020 duain ultra da quai autos electrics ed auters vehichels cun ina tecnica da tracziun alternativa gidar a finanziar l'infrastructura da traffic cun ina taxa.


Finanziaziun tras  
pliras funtaunas

<sup>2</sup> I dat ina taglia da basa ed in supplement: la taglia sin ielis minerals per carburants sco benzin e diesel sco er per petroli, auters ielis minerals, gas natiral e per ils products che resultan tar lur elavuraziun; il supplement da taglia sin ielis minerals per carburants.

Per cuvrir il basegn finanzial che crescha ad in crescher duai il supplement da taglia sin ielis minerals vegnir auzà en in emprim pass per 4 raps per liter benzin e diesel. Quel è restà tar 30 raps dapi l'onn 1974. Dapi lura n'è el mai vegni adattà a la chareschia. Il supplement da taglia sin ielis minerals vegn auzà, sche las reservas dal NAF crodan sut ina tscherta limita. Il Cussegli federal parta dal fatg che quest augment saja necessari il pli baud l'onn 2019. Tut tenor il basegn finanzial vegni a duvrar pli tard in ulteriur augment dal supplement da taglia sin ielis minerals u in augment d'ina autra taxa che vegn incassada a favur dal NAF. Per il NAF vegnan a star a disposiziun totalmain ca. 3 milliardas francs per onn.

Il basegn finanzial  
crescha

### NAF: investiziuns en tut la Svizra



La midada constituziunala stgaffescha la basa per finanziar a lunga vista l'eliminaziun da las stretgas sin las vias naziunalas. Il Cussegl federal suttametta al parlament mintga 4 onns in program en chaussa. Il schlargiament ha lieu pass per pass: Per il pass da realisaziun 2030 duain vegnir impundids circa 6,5 milliardas francs. Tar quels trajects tutgan p.ex. il sviament nord da Turitg, Luterbach–Härkingen, plazza aviatica Genevra–Le Vengeron e Wankdorf–Schönbühl. En il rom dal NAF duain ultra da quai vegnir integrads 400 kilometers vias chantunalas en la rait da vias naziunalas.<sup>3</sup> Ultra da questa cumplettaziun vegnan duvrads mintga onn circa 2,2 milliardas francs per la gestiun, per il mantegniment e per adattaziuns che cumpigliant mesiras per meglierar il manaschament dal traffic e per utilisar meglier las capacitads existentes.<sup>4</sup>

Investiziuns en las  
vias naziunalas

La midada constituziunala stgaffescha plinavant la basa per che la Confederaziun possia pajer er en il futur las contribuiziuns necessarias a projects dal traffic d'aglomeraziun (via, bus, tram, traffic da peduns e da velos). Ils ultims 10 onns han 45 da las 55 aglomeraziuns profità d'in susteign da la Confederaziun. In susteign finanzial survegnan projects ch'èn vegnids elavurads cuminaivlamain da chantuns, da citads e da vischnancas en il rom da programs d'aglomeraziun. Els procuran che la politica da traffic e la politica d'abitadi

Ulteriura finanziaziun  
dals projects en las  
aglomeraziuns

<sup>3</sup> Survista dals pass da schlargiament 2030 fin 2040 e dals trajects ch'èn vegnids surpigliads da nov en la rait da vias naziunalas: [> Themen > Strassenfinanzierung > Nationalstrassen- und Agglomerationsverkehrs-Fonds \(NAF\).](http://www.astra.admin.ch)

<sup>4</sup> Ulteriuras infurmaziuns davart la gestiun dal traffic: [> Themen > Nationalstrassen > Verkehrsmanagement.](http://www.astra.admin.ch)

vegnan accordadas bain ina a l'autra. Perquai che la gronda part dals daners, che derivan fin ussa dal fond d'infrastructura da durada limitada, èn duvrads si, dovrà in'ulteriura finanziaziun: Cun il NAF duain uschia ir en in'emprima fasa mintga onn var 390 milliuns francs da la Confederaziun a projects en las aglomeraziuns<sup>5</sup>.

Sper il NAF datti anc in auter instrument finanzial, l'uschenumnada finanziaziun speziala dal traffic sin via (FSTV). Ella vegn mantegnida ed alimentada sco fin ussa cun la mesedad dals retgavs da la taglia sin ielis minerals. Or da quest instrument vegnan pajadas tranter auter las contribuziuns stradalas da la Confederaziun als chantuns. Quests daners èn impurtants per ils chantuns, perquai ch'els cuvran ina part dals custs che vegnan chaschunads tras las vias chantunalas. En cas da basegn vegnan attribuidas a la FSTV entradas da la taglia sin vehichels, che van uschiglio al NAF.

Sche la midada constituziunala vegniss refusada, restass en funcziun il sistem actual. Per finanziar las vias naziunalas ed il traffic d'aglomeraziun na dessi – cuntrari a la viafier – nagin fond nov da durada illimitada. Las entradas na bastassan betg pli per cuvrir il basegn finanzial en il sectur da las vias naziunalas e dal traffic d'aglomeraziun. Tar las vias naziunalas pudess vegnir mantegnida mo pli la substanza. Eliminazioni impurtantias da streggas e mesiras per il traffic d'aglomeraziun na pudessan betg pli vegnir finanziadas.

Impurtanza dal NAF  
per contribuziuns  
als chantuns

Tge capita en  
cas d'in «na»?

<sup>5</sup> Indicaziuns tenor il stadi dals pretschs 2015; survista dals projects en las aglomeraziuns ch'en vegnids sustegnids fin ussa da la Confederaziun: [www.agglomerationsprogramme.ch](http://www.agglomerationsprogramme.ch).



## Text da votaziun

### Conclus federal

### davart la creaziun d'in fond per las vias naziunalas ed il traffic d'aglomeraziun

dals 30 da settember 2016

*L'Assamblea federala da la Confederaziun svizra,*

suenter avair gi invista da la missiva dal Cussegl federal dals 18 da favrer 2015<sup>1</sup>,  
*concluda:*

I

La Constituziun federala<sup>2</sup> vegn midada sco suonda:

#### *Art. 83              Infrastructura stradala*

<sup>1</sup> La Confederaziun ed ils chantuns procuran per ina infrastructura stradala suffizienta en tut las regiuns dal pajais.

<sup>2</sup> La Confederaziun garantescha la realisaziun e l'utilisabladad d'ina rait da vias naziunalas. Ella construescha, maina e mantegna las vias naziunalas. Ella surpiglia ils custs respectivs. Ella po delegar questas incumbensas cumplettamain u parzialmain a pertadars publics, privats u maschadads.

#### *Art. 85a              Taxa per l'utilisaziun da las vias naziunalas*

La Confederaziun incassescha ina taxa per l'utilisaziun da las vias naziunalas cun vehichels a motor e cun chars annexs che n'en betg suttamess a la taxa sin il traffic da camiuns pesants.

#### *Art. 86              Impundaziun da taxas per incumbensas ed expensas en connex cun il traffic sin via*

<sup>1</sup> Las vias naziunalas sco er las contribuziuns a mesiras per meglierar l'infrastructura da traffic en citads ed aglomeraziuns en connex cun il traffic sin via vegnan finanziadas sur in fond.

<sup>2</sup> Al fond vegnan assegnauds ils sustants medis finanzials:

- a. il retgav net da la taxa per l'utilisaziun da las vias naziunalas tenor l'artitgel 85a;
- b. il retgav net da la taglia speziala da consum tenor l'artitgel 131 alinea 1 litera d;
- c. il retgav net dal supplement tenor l'artitgel 131 alinea 2 litera a;

<sup>1</sup> Fegl uffizial federal 2015 2065

<sup>2</sup> CS 101



- d. il retgav net da la taxa tenor l'artitgel 131 alinea 2 litera b;
- e. ina part dal retgav net da la taglia da consum sin tut ils carburants, cun excepziun dals carburants d'aviatica, tenor l'artitgel 131 alinea 1 litera e; la part importa 9 pertschient dals medis finanzials tenor la litera c e 9 pertschient da la mesedad dal retgav net da la taglia da consum sin tut ils carburants, cun excepziun dals carburants d'aviatica, maximalmain però 310 millioni francs per onn; la lescha regla l'indexaziun da quest import;
- f. per regla 10 pertschient dal retgav net da la taglia da consum sin tut ils carburants, cun excepziun dals carburants d'aviatica, tenor l'artitgel 131 alinea 1 litera e;
- g. ils retgavs da la finanziazion speziala tenor l'alinea 3 litera g e da contribuziuns dals chantuns per cumpensar custs supplementars che resultan da l'integrazion da novs trajects en la rait da vias naziunalas;
- h. ulteriurs medis finanzials assegnads tras la lescha che stattan en connex cun il traffic sin via.

<sup>3</sup> Per las suuandatas incumbensas ed expensas en connex cun il traffic sin via vegn manada ina finanziazion speziala:

- a. las contribuziuns a mesiras per promover il traffic cumbinà ed il transport da vehichels a motor accumpagnads;
- b. las contribuziuns als custs per las vias principales;
- c. las contribuziuns ad ovras da protecziun cunter forzas da la natira ed a mesiras da la protecziun da l'ambient e da la cuntrada che daventan necessarias pervia dal traffic sin via;
- d. las contribuziuns generalas als custs dals chantuns per vias ch'èn avertas per il traffic da vehichels a motor;
- e. las contribuziuns als chantuns senza vias naziunalas;
- f. la perscrutaziun e l'administraziun;
- g. las contribuziuns al fond tenor l'alinea 2 litera g.

<sup>4</sup> A la finanziazion speziala vegn bunifitgada la mesedad dal retgav net da la taglia da consum sin tut ils carburants, cun excepziun dals carburants d'aviatica, tenor l'artitgel 131 alinea 1 litera e minus ils medis finanzials tenor l'alinea 2 litera e.

<sup>5</sup> Sch'il basegn è cumprovà en la finanziazion speziala e sch'i duai vegnir furmada ina retenziun adequata en la finanziazion speziala, ston ils retgavs da la taglia da consum tenor l'artitgel 131 alinea 1 litera d vegnir assegnads a la finanziazion speziala empè al fond.

*Art. 87 titel*

*Concerna mo il text franzos.*



Creaziun d'in fond per las vias naziunalas ed il traffic d'aglomeraziun. COF

*Art. 87b Impundaziun da taxas per incumbensas ed expensas en connex cun il traffic aviatic*

La mesadad dal retgav net da la taglia da consum sin carburants d'aviatica ed il supplement sin la taglia da consum sin ils carburants d'aviatica vegnan utilisads per las suandantas incumbensas ed expensas en connex cun il traffic aviatic:

- a. las contribuziuns a mesiras da la protecziun da l'ambient che daventan necessarias pervia dal traffic aviatic;
- b. las contribuziuns a mesiras da segirezza per proteger il traffic aviatic cunter acts illegals, en spezial attentats terroristics e rapiments, uschenavant che questas mesiras n'èn betg chaussa d'autoritads statalas;
- c. las contribuziuns a mesiras per promover in aut nivel da segirezza tecnica en il traffic aviatic.

*Art. 131 al. 2 e 2bis*

<sup>2</sup> Ultra da quai po ella incassar:

- a. in supplement sin la taglia da consum sin tut ils carburants, cun excepcziun dals carburants d'aviatica;
- b. ina taxa, sch'i vegnan duvrads per il vehichel a motor auters medis da propulsiun ch'ils carburants tenor l'alinea 1 litera e.

<sup>2bis</sup> Sch'ilis medis finanzials na bastan betg per ademplir las incumbensas en connex cun il traffic aviatic ch'en previsas en l'artitgel 87b, incassescha la Confederazion in supplement sin la taglia da consum sin ils carburants d'aviatica.

*Art. 196 cifra 3 titel, al. 2, 2<sup>bis</sup> e 2<sup>ter</sup>*

*3. Disposiziuns transitoricas tar l'art. 86 (Impundaziun da taxas per incumbensas ed expensas en connex cun il traffic sin via), tar l'art. 87 (Viasfiers ed ulteriurs medis da traffic) e tar l'art. 87a (Infrastructura da viafier)*

<sup>2</sup> Fin che la tschairsida e la restituziun dal pajament anticipà dal fond tenor l'artitgel 87a alinea 2 n'è betg terminada, vegnan ils medis finanzials tenor l'artitgel 86 alinea 2 litera e assegnauds a la finanziazion speziala dal traffic sin via tenor l'artitgel 86 alinea 4 empè al fond tenor l'artitgel 86 alinea 2.

<sup>2bis</sup> Il Cussegl federal po utilisar ils medis finanzials tenor l'alinea 2 fin ils 31 da decembre 2018 per finanziar l'infrastructura da viafier e suenter per tschairsir e per restituir il pajament anticipà dal fond tenor l'artitgel 87a alinea 2. Ils medis finanzials vegnan calculauds tenor l'artitgel 86 alinea 2 litera e.

<sup>2ter</sup> La procentuala tenor l'artitgel 86 alinea 2 litera f vala suenter 2 onns dapi l'entrada en vigur da questa disposiziun. Avant importa ella 5 pertschient.

II

<sup>1</sup> Quest conclus vegn puttames a la votaziun dal pievel e dals chantuns.

<sup>2</sup> Il Cussegħi federal fixescha l'entrada en vigur. El metta en vigur l'artitgeli 86 alineas 2 litera g e 3 litera g 2 onns suenter l'entrada en vigur da las ulteriuras disposiziuns.

## Las tractativas en il parlament

En il parlament èsi stà incontestà per gronda part ch'i dovria in fond da durada illimitada per finanziar a lunga vista las vias naziunalas ed il traffic d'aglomeraziun e ch'i vegnia realisà uschia ina soluziun sco quella ch'exista per finanziar l'infrastructura da viafier. Perquai è el er s'exprimì a favur da la creaziun dal NAF ed ha er fixà ils meds finanzials per tal. Il parlament ha tractà la midada constituziunala il medem mument sco las midadas da las leschas correspondentes. En quest connex ha el midà il project dal Cussegl federal tranter auter sco suonda:

- Conclus da vias naziunalas da l'onn 2012: Circa 400 kilometers vias vegnan surdadas dals chantuns a la Confederaziun ed integradas en la rait da vias naziunalas. Per la finanziaziun duain vegnir attribuïds al fond 5 pertschient da la taglia sin ielis minerals. Ultra da quai ston ils chantuns sa participar a la finanziaziun da questas vias cun 60 milliuns francs per onn a partir da l'onn 2020 (contribuziun da compensaziun). Uschia è finanziada ina part dal Conclus da vias naziunalas.
- Supplement da taglia sin ielis minerals: Il Cussegl federal aveva proponì in augment da 6 raps per liter. Il parlament ha concludì 4 raps. Per compensar questa differenza ha el percuter decidì d'attribuir al NAF ulteriurs 5 pertschient da la taglia sin ielis minerals.
- Traffic d'aglomeraziun: Tenor il conclus dal parlament duain las contribuziuns annualas da la Confederaziun a favur dals programs che sustegnan ils projects en las aglomeraziuns importar per regla 9 fin 12 pertschient da las expensas dal NAF.

In pèr parlamentaris èn stads cunter l'attribuziun supplementara da circa 650 milliuns francs per onn per il NAF, perquai che questi meds finanzials na stettian alura betg pli a disposiziun per otras incumbensas da la Confederaziun. Contestà è er stà l'augment dal supplement da taglia sin ielis minerals che vegn pajà da quels che dovràn las vias: Tscharts parlamentaris èn stads cunter l'augment, auters han pretendì in augment pli grond, perquai ch'il supplement saja dapi onns il medem, entant che la clientella da la viafier stoppia acceptar savens augmenti da las tariffas. En la debatta dal parlament n'è nagina partida s'exprimida da princip cunter il NAF. En la votaziun finala dal Cussegl dals chantuns hai dà ina cuntravusch. Il Cussegl naziunal ha votà cun 146 cunter 48 vuschs e 4 abstensiuns a favur da la midada constituziunala.

## Ils arguments dal Cussegl federal

Ina rait da traffic effizienta è impurtanta per la Svizra. Per vegnir a frida cun la mobilitad creschenta dovrà ulteriuras investiziuns. Grazia al fond per las vias naziunalas ed il traffic d'aglomeraziun (NAF) po la rait da traffic vegnir meglierada en tut las regiuns. Da quai profitan la populaziun e l'economia. Il Cussegl federal sostegna il project en spezial per ils sustants motivs:

Las vias naziunalas collian ils centers gronds e distgargian savens er il traffic en las citads ed en las aglomeraziuns. Igl è impurtant da mantegnair lur efficacitad e da metter a disposizion daners avunda per la gestiun e per il mantegniment. Per eliminar stretgas gravantas sto la rait da vias ultra da quai vegnir schlarginada. Il NAF stgaffescha la basa per quai. El possibilitescha er da cuntinuar cun ils programs cumprovads per ils projects en las aglomeraziuns. Quels rinforzan ils spazis economics ed ils spazis da viver en las citads ed en las regiuns.

Rinforzar la  
rait da traffic

Il NAF garantescha ina finanziaziun solida e gista. Tant la cassa federala sco er las automobilistas ed ils automobilists sa participeschan a sia finanziaziun. Per ellas ed els s'augmenta dentant il supplement da taglia sin ielis minerals.

Finanziaziun gista

Autos moderns consumeschan però bler main carburant che pli baud. Perquai ch'il supplement da taglia sin ielis minerals n'è mai vegni adattà a la chareschia dapi l'onn 1974, è la chargia reala ultra da quai sa reducida dapi lura facticamain a la mesedad. In augment per 4 raps per liter è per consequenza moderà e supportabel. El ha lieu pir cur ch'el è propri necessari: I na vegnan incassads nagins daners sin reserva.

Per meglierar l'infrastructura da viafier è già vegni stgaffi in fond. Il NAF porta ina soluziun analoga per las vias naziunalas e per ils projects en las aglomeraziuns. Sco la viafier survegn uschia er la via ina finanziaziun transparenta segirada a lunga vista. La planisaziun e la realisaziun èn pli fidaivlas.

Soluziun sco  
tar la viafier

Il NAF meglierescha la rait da traffic en l'entira Svizra: El pussibilitescha d'eliminar stretgas gravantas sin las vias naziunalas, da prender si da nov circa 400 kilometers vias chantunalas en la rait da vias naziunalas e da sustegnair numerus ulteriurs projects en las aglomeraziuns. Da quai profitan tant ils centers sco er las regiuns ruralas.

Tut las regiuns profitan

Il svilup tecnologic e la digitalisaziun vegnan a midar ferma main la mobilitad. Per mantegnair effizienta nossa rait da traffic, dovri vinavant investiziuns en l'infrastructura. Cun il fond per l'infrastructura da viafier già concludì e cun il NAF è noss pajais preparà per l'avegnir. Ils dus fonds garanteschan pia che la Svizra vegnia a frida cun il traffic che crescha vinavant.

Preparà per l'avegnir

**Per tut quests motivs recumondan il Cussegli federal ed il parlament d'acceptar il conclus federal davart la creaziun d'in fond per las vias naziunalas ed il traffic d'aglomeraziun (NAF).**

## **Lescha davart la refurma da la taglia sin interpresas III**

**La dumonda da votaziun è:**

Vulais Vus acceptar la Lescha federala dals 17 da zercladur 2016 davart mesiras fiscales per rinforzar la cumpetitivitat da la Svizra sco lieu d'interpresas (**Lescha davart la refurma da la taglia sin interpresas III?**)

**Il Cussegl federal ed il parlament recumondan d'acceptar la Lescha davart la refurma da la taglia sin interpresas III.**

Il Cussegl naziunal ha acceptà il project cun 139 cunter 55 vuschs e 2 abstensiuns, il Cussegl dals chantuns cun 29 cunter 10 vuschs e 4 abstensiuns.

## Il pli important en furma concisa

La Svizra è in pajais attractiv per interpresas. In faktur per questa attractivitat è stada fin ussa er l'imposizion d'ina taglia reducida sin las societads da holding, sin las societads da domicil e sin las societads maschadadas. Questas uschenumnadas societads cun status spezial porschan var 150 000 plazzas da lavour e genereschan ina gronda part da las entradas da la Confederaziun, dals chantuns e da las vischnancas. L'imposizion d'ina taglia reducida na correspunda dentant betg pli als novs standards internaziunals e sto vegnir abolida. Per che las taglias da questas firmas na s'augmentian betg memia fitg, duain vegnir introducidas novas mesiras da distgargia fiscala. Qua tras poi vegnir evitè ch'interpresas bandunan la Svizra e che plazzas da lavour ed entradas fiscales van a perder.

La refurma da l'imposizion da taglia sin interpresas III (RTI III) duai augmentar l'acceptanza internaziunala da l'imposizion svizra da taglia sin interpresas e garantir ina cumpetitivitat fiscala. Plinavant duain las interpresas prestar er vinavant lur contribuziun a la finanziaziun da las incumbensas statalas.

Tras la refurma vegn abolida l'imposizion d'ina taglia reducida sin las societads cun status spezial. Particularmain per promover innovaziuns profiteschan la perscrutaziun ed il svilup da distgargias fiscales. La Confederaziun distribuescha ina pli gronda part da las entradas da la taglia federala directa als chantuns, uschia che quels pon reducir lur taglias sin il gudogn. Da quai profiteschan er tut las otras interpresas. En pli pon ils chantuns mantegnair lur cumpetitivitat fiscala.

Cunter la refurma èsi vegnì fatg in referendum. Las adversarias ed ils adversaris quintan cun grondas perditas d'entradas. Els teman che la populaziun stoppia cumpensar questas perditas.

Il Cussegl federal ed il parlament sustegnan il project. La refurma permetta a la Svizra da restar attractiva per interpresas e da mantegnair sias plazzas da lavour. La refurma è ina investiziun en l'avegnir.

Pertge questa  
refurma?

Finamiras

Elements centrals  
da la refurma

Pertge il referendum?

Puntg da vista dal  
Cussegl federal e dal  
parlament

## **Il project da votazion en detagi**

La Svizra è oz in pajais attractiv per interpresas e porscha cundiziuns generalas cumpetitivas. Da gronda impurtanza èn en quest connex las societads da holding, las societads da domicil e las societads maschadadas. Ellas effectueschan stgars la mesedad da las expensas da perscrutaziun e da svilup da las interpresas svizras e dattan lavour a var 150 000 persunas. Questas uschenumnadas societads cun status spezial pajan bunamain 50 pertschient da las taglias da las persunas giuridicas (principalmain societads anonimas) sin plaun federal e bundant 20 pertschient sin plaun chantunal e communal.

La Svizra sco lieu  
d'interpresas

Las societads cun status spezial pajan en Svizra ina taglia reducida. Questa imposiziun vegn dentant pli e pli sut presiun, perquai ch'ella na correspunda betg pli als standards internaziunals da l'imposiziun da taglia sin interpresas. A las societads cun status spezial ed a la Svizra pudessan smanatschar cuntramesiras d'auters pajais. Perquai vegn abolida l'imposiziun d'ina taglia reducida en il rom da la refurma da l'imposiziun da taglia sin interpresas III (RTI III). Ella na vegn dentant betg stritgada senza cumpensaziun, damai che las interpresas pudessan uschiglio bandunar la Svizra. Plinavant pudessan ir a perder plazzas da lavour e pudess resultar in grond minus d'entradas per la Confederaziun, per ils chantuins e per las vischnancas.

Basegn d'agir

Per impedir quai vegn rinforzada la cumpetitivitat da la Svizra cun agid da novas mesiras da la politica fiscal (vesair p. 32). Questas mesiras stattan en accordanza cun ils standards internaziunals e vegnan gia applitgadas en differents

Finamiras da  
la refurma

pajais. Plinavant garanteschan ellas che tut las interpresas prestan er vinavant ina contribuziun commensurada a la finanziaziun da las incumbencias da la Confederaziun, dals chantuns e da las vischnancas.

Las mesiras da la politica fiscal han cunzunt la finamira da promover l'innovaziun. Quai cun agid da l'uschenumnada «patent box» sco er a maun da deducziuns pli autas per la perscrutaziun ed il svilup. Tras la «patent box» vegnan retgavs, che derivan da patentas e da dretgs cumparegliabels, suttamess ad ina taglia pli bassa. Per la perscrutaziun ed il svilup duai vegnir concedida ina deducziun ch'è pli auta che las expensas effectivas per quests dus secturs. Uschia duai vegnir stgaffi in stimul per domiciliar en Svizra pazzas da lavour cun avegnir. Ulteriuras mesiras fiscales permettan a la Svizra da porscher condiziuns generalas competitivas er per otras activitads. Tras la refurma survegnan ils chantuns intschert spazi d'agir: Mintga chantun po realisar las mesiras previsas sco ch'i correspunda a l'atgna politica fiscal.

Blers chantuns han l'intenziun da sbassar lur taglias sin il gudogn en il rom da la refurma, cun l'intent da mantegnair lur attractivitat economica. La Confederaziun vul gidar a purtar las consequenzas finanzialas da questas reducziuns da taglia, perquai ch'er ella profitescha d'ina attractivitat fiscal per interpresas. La refurma prevesa perquai che la Confederaziun distribuescha ina part pli gronda da las

Mesiras da la politica fiscal

Cumpensaziun per reducir la taglia sin il gudogn

entradas da la taglia federala directa als chantuns. Per quest intent vegn auzada la quota chantunala vi da la taglia federala directa dad actualmain 17,0 pertschient a 21,2 pertschient. Plinavant vegn adattada la gulivaziun da finanzas a las novas cundiziuns en il dretg fiscal.

Las societads che profiteschon oz d'in status spezial pajan en l'avegnir dapli taglia, sch'ellas na pon betg revegnir ad ina da las novas mesiras da distgorgia fiscala. Percunter survegnan ellas dentant la segirezza giuridica necessaria. Las ulteriuras interpresas pon revegnir a las novas mesiras tut tenor lur activitat. Ellas vegnan plinavant distgargiadas grazia a las reduzioni chantunala da la taglia sin il gudogn. Uschia vegnan tut las interpresas tractadas da medema maniera en l'avegnir.

Tar la Confederaziun chaschunan l'augment da la quota chantunala vi da la taglia federala directa (920 milliuns francs) e la contribuziun cumplementara per chantuns cun paucas resursas (180 milliuns francs) in minus d'entradas dad 1,1 milliardas francs per onn.<sup>1</sup> Tras la taglia sin il gudogn cun tschains rectifitgads sin agen chapital extraordinariamain aut resulta in ulteriur minus d'entradas. L'autezza da quest minus dependa da la tariffa da tschains applitgada.

Ils chantuns survegnan las 1,1 milliardas francs da la Confederaziun, per ch'els na stoppian betg surpigliar sulets lur minus d'entradas, che dependa particularmain da las reduzioni da la taglia sin il gudogn. L'autezza da questas reduzioni na sa lascha dentant betg prognostitgar. Er la taglia

Consequenzas per  
las interpresas

Consequenzas  
finanzialas per  
la Confederaziun

Consequenzas  
finanzialas per  
ils chantuns e  
las vischnancas

<sup>1</sup> Preschentaziun sinoptica da las consequenzas finanzialas da la RTI III sin: [www.efd.admin.ch](http://www.efd.admin.ch) > Themen > Steuern > Steuern national > Unternehmenssteuerreform III. Link direct: [www.efd.admin.ch/usr3](http://www.efd.admin.ch/usr3).

sin il gudogn cun tschains rectifitgads chaschuna in minus d'entradas. Quant enavant che quel po vegnir cumpensà cun adattar l'imposizion da taglia sin gudogns distribuïds, dependa da la tariffa da tschains che vegn applitgada.

Las consequenzas finanzialas totalas da la refurma per la Confederaziun, per ils chantuns e per las vischnancas dependan da blers facturs. Tranter auter er da decisiuns dals chantuns e d'auters pajais concernent la politica fiscala. Er la reacziun da las interpresas è averta: Intginas pudessan far restructuraziuns u bandunar la Svizra. Ma igl è er pussaivel che novas firmas sa domiclieschan en Svizra. Las consequenzas da tut quests facturs na sa laschan betg quantifitgar ordavant.

Senza refurma fiscala perdess la Svizra sia attractivitat per interpresas, e societads cun status spezial pudessan bandunar la Svizra. La Confederaziun, ils chantuns e las vischnancas stuessan quintar cun perditas fiscales che na sa laschan betg quantifitgar.

Consequenzas  
finanzialas totalas

Senza refurma  
resultassan perditas  
da taglia

## Survista da las mesiras da la reforma da l'imposizion da taglia sin interpresas III<sup>2</sup>

### Mesiras da la politica fiscala

Mesira	Descripziun	Introducziun	
		Confedera-zuin	Chantuns / vischnancas
Aboliziun dal status spezial e regulaziun transitorica	<p>Sin plaun federal pajan las societads da holding, las societads da domicil e las societads maschadadas la taglia ordinaria sin il gudogn. Sin plau chantunal na pajan las societads da holding dentant nagina taglia sin il gudogn, e las societads da domicil e las societads maschadadas pajan mo ina taglia sin il gudogn reducida. Tras la RTI III vegn abolì quest status spezial.</p> <p>Durant in temp transitoric da 5 onns po ina part dal gudogn da las societads che profitescanoz d'in status spezial vegnir suttamessa ad ina tariffa speziala che vegn fixada dal chantun.</p>	na	gea, obligatoric
«Patent box»	Il gudogn che deriva da patentas e da dretgs cumparegliabels vegn suttamess a la taglia separadament da l'ulteriur gudogn e per ina tariffa pli bassa. La distargia dastga importar maximalmain 90 pertschient.	na	gea, obligatoric
Deducziuns pli autas per la perscrutaziun ed il svilup	Per la perscrutaziun ed il svilup pon vegnir deducids dapli daners che las expensas effectivas, maximalmain dentant 150 pertschient da talas. Uschia sa reducescha il gudogn ch'è suttamess a la taglia.	na	gea, facultativ
Taglia sin il gudogn cun tschains rectifitgads sin agen chapital extraordinariamaut	Sin la part da l'agen chapital che surpassa l'agen chapital duvrà a lunga vista per l'activitat commerziala, vegn applitgà in tschains deducibel. Uschia sa reducescha il gudogn ch'è suttamess a la taglia.	gea, obligatoric	gea, facultativ

<sup>2</sup> Preschentaziun pli gronda da la tabella sin: [> Themen > Steuern > Steuern national > Unternehmenssteuerreform III. Link direct: \[www.efd.admin.ch/usr3\]\(http://www.efd.admin.ch/usr3\)](http://www.efd.admin.ch)

Mesira	Descripzion	Introduzion	
		Confedera-zion	Chantuns / vischnancas
Adattaziuns tar l'imposiziun parziala da taglia sin gudogns distribuïds	Sch'in chantun introducescha la taglia sin il gudogn cun tschains rectifitgads, valan novas tariffas minimalas per l'imposiziun da taglia sin gudogns distribuïds da la facultad privata: Retgavs da participaziuns d'almain 10 pertschient ston vegnir suttamess per almain 60 pertschient a la taglia.	na	gea, facultativ
Distgargia maximala	La distgargia fiscal na dastga betg surpassar 80 pertschient dal gudogn suttamess a la taglia avant la reducziun tras la «patent box», tras las reducziuns per la perscrutazion ed il svilup, tras la taglia sin il gudogn cun tschains rectifitgads e – sch'igl è vegni renunzià al status spezial avant l'entrada en vigur da la RTI III – tras las amortisaziuns.	na	gea, obligatoric
Adattaziuns tar la taglia sin il chapital	Per la calculaziun da la taglia sin il chapital pon ils chantuns conceder ina reducziun da l'agen chapital en connex cun participaziuns, cun patentas e cun dretgs cumparegliabels sco er cun emprests entaifer il concern.	na	gea, facultativ
Decleraziun da reservas zuppadas	Interpresas che transfereschan lur sedia en Svizra pon profitar d'amortisaziuns supplementaras durant ils emprims onns. En cas che la sedia vegn transferida a l'exterior, vegn incassada gia oz ina taglia da partenza.	gea, obligatoric	gea, obligatoric
Adattaziuns tar la fixaziun pauschala da taglia	La fixaziun pauschala da taglia impedeschha imposiziuns dublas da taglia sin plau internaziunal. Da nov duain er filialas svizras d'interpresas estras avair il dretg d'ina tala fixaziun pauschala.	gea, obligatoric	gea, obligatoric

## Mesiras da la politica da finanzas

Mesira	Descripzion
Cumpensaziun tranter la Conferaziun ed ils chantuns	La quota chantunala vi da las entradas da la taglia federala directa vegn auzada da 17,0 pertschient a 21,2 pertschient.
Adattaziuns interchantunala	En la gulivaziun da finanzas vegnan ils gudogns da las societads cun status spezial valitads oz main ferm ch'ils ulteriurs gudogns. Uschia vegni tegnì quint da l'imposiziun d'ina taglia reducida sin questas societads cun status spezial. Questa valitaziun pli bassa croda davent, sch'il status spezial vegn aboli. Sco cumpensaziun vegnan ils gudogns da tut las personas giuridicas (principalmain societads anonimas) valitads main ferm che las ulteriuras entradas.
Contribuziun cumplementara da durada limitada	Ils chantuns cun las pli paucas resursas survegنان durant 7 onns totalmain 180 milliuns francs per onn per minimisar las consequenzas per questi chantuns finanzialmain debels.

## Ils arguments dal comité da referendum

**E puspè stuessan nus pajar il quint?  
Na a l'engion tras la taglia sin interpresas!**

### **Na a trics fiscals intransparents**

En questas explicaziuns da votar davart la Refurma da l'imposiziun da taglia sin interpresas (RTI III) legiais Vus terms bler memia cumplitgads: taglia sin il gudogn cun tschains rectifitgads, «patent box», distgargia maximala. Savais Vus tge che quai vul dir? Na? Lura As vai sco a 99 % da la populaziun, e quai è intenziunà: Davos quests terms tecnics che nagin na chapescha, cun excepcziun d'in pugn plain cussegliaders da taglia u advocats d'economia, sa zuppan trics fiscals intransparents.

### **Na a novas foras da milliardas**

Intginas paucas interpresas grondas e lur acziunaris fan milliardas cun quest trics fiscals. Ils custs èn absolutamain incalculabels: segiramain 2,7 milliardas – 1,3 milliardas per la Confederaziun ed almain tant per il chantun e las vischnancas. I po dentant er esser bler dapli! Tge èn las consequenzas? I vegg spargnà tar la purschida da furmaziun, dapli taxas e taglias pli autas. Quai pertutga la classa mesauna, il persunal, ils pajataglias «normals» – nus tut!

### **Na ad in nov engion da la populaziun**

La RTI II è già stada in engion. Schizunt il Tribunal federal ha concedì che la populaziun è veginida trumpada en la votaziun dal pievel l'onn 2008. Gia lura n'eran ils custs da la refurma betg vegnids inditgads correctamain. Il Cussegl federal discurriva da 900 milliuns, en realitat èsi stà bleras giadas dapli. Sche nus refusain la RTI III, impedin nus in nov debachel ed il parlament survegn l'incumbensa d'intradadar ina refurma equilibrada. Las propostas èn avant maun, il temp tanscha.

**In pèr concerns fan milliardas cun questi trics fiscals.  
Il quint percuter pajain nus.**

Ulteriuras infurmaziuns sin: [www.usr3-nein.ch](http://www.usr3-nein.ch)

## Ils arguments dal Cussegl federal

**La refurma da l'imposiziun da taglia sin interpresas III rinforsa l'attractivitat da la Svizra en la concurrenza fiscale internaziunala. Ella segirescha plazzas da lavur, entradas fiscales ed il bainstar. La refurma permetta a la Confederaziun da dar als chantuns ils medis finanzials necessaris, per ch'els possian porscher a las interpresas er en l'avegnir cundiziuns generalas cumpetitivas. Il Cussegl federal sustegna il project en spezial per ils sustants motivs:**

La politica fiscale d'enfin ussa ha gi grond success ed ha prestà ina contribuziun impurtanta a favur dal bainstar da noss pajais. Latiers tutga er la refurma da l'imposiziun da taglia sin interpresas II. Las entradas da las taglias sin il gu-dogn èn creschidas dapi lura, auters pajataglias n'han betg stùi pajar dapli taglia pervia da la refurma. Ina nova refurma da l'imposiziun da taglia sin interpresas è dentant necessaria, perquai che l'imposiziun d'ina taglia reducida sin societads cun status spezial na vegn betg pli acceptada sin plaun internaziunal. Uschia perdan las interpresas pertutgadas la segirezza giuridica necessaria, ed elllas pudessan bandunar la Svizra. Pli ditg che questa malsegirezza dura e pli fitg che l'attractivitat economica da la Svizra patescha. Pervia da quai vulan il Cussegl federal ed il parlament abolir l'imposiziun d'ina taglia reducida ed introducir tant pli svelt novas mesiras ch'en cumpatiblas cun las normas internaziunalas. Uschia resta la Svizra in lieu economic attractiv.

Da la refurma profiteschan tut las interpresas. Las societads che profiteschan oz d'in status spezial pajan bain in pau dapli taglia en l'avegnir, percuter survegnan elllas la segirezza giuridica necessaria e pon planisar meglier. Er las ulteriuras interpresas vegnan a profitar da las novas mesiras. Uschia na vegnan betg mo segiradas las plazzas da lavur existentes, mabain er purschids stimuls per stgaffir novas plazzas.

Il basegn d'agir  
è incontestà

Per las plazzas  
da lavur

Ils chantuns èn s'exprimids cleramain a favur da la refurma. Blers chantuns han l'intenziun da sbassar lur taglias sin il gudogn per mantegnair lur attractivitat economica. Il project als dat il spazi d'agir finanzial necessari en chaussa e reparta gulivamain las grevezzas da la refurma tranter la Confederaziun ed ils chantuns. Las adattaziuns en la gulivaziun da finanzas impedeschan plinavant il privel da differenzas tranter ils chantuns.

Per ils chantuns  
e las vischnancas

Il Cussegl federal ed il parlament vulan che la Svizra restia attractiva per las interpresas. A curta vista chaschuna la refurma bain in minus d'entradas per la Confederaziun, per ils chantuns e per las vischnancas. Sch'ins na faschess nagut, custass quai bler dapli per noss pajais. L'attractivitat economica da la Svizra patiss e plazzas da lavour giessan a perder. Tras la refurma vegnan stgaffidas cundiziuns generalas competitivas per las interpresas. Quai ha effects positivs per las plazzas da lavour, per las entradas fiscales e per il bainstar. La refurma è ina investiziun en l'avegnir da la Svizra.

Per la Svizra

**Per tut quests motivs recumondan il Cussegl federal ed il parlament d'acceptar la Lescha davart la refurma da la taglia sin interpresas III.**



## Text da votaziun

**Lescha federala  
davart mesiras fiscales per rinforzar  
la competitivitat da la Svizra sco lieu d'interpresa  
(Lescha davart la refurma da la taglia sin interpresa III)**

dals 17 da zercladur 2016

*L'Assamblea federala da la Confederaziun svizra,  
suenter avair gi invista da la missiva dal Cussegli federal dals 5 da zercladur 2015<sup>1</sup>,  
concluda:*

I

Las leschas federalas qua sutvart vegnan midadas sco suonda:

### **1. Lescha federala dals 3 d'octobre 2003<sup>2</sup> davart la gulivaziun da finanzas e la cumpensaziun da grevezzas**

*Art. 3 al. 3 seconda e terza frasa*

<sup>3</sup> ... Tar las facultads da las personas naturalas resguarda el [il Cussegli federal] mo la creschientscha. Tar ils gudogns da las personas giuridicas tegna el quint dal fatg che lur exaurizun fiscala è differenta cumpareglià cun las entradas e cun las facultads da las personas naturalas; en quest connex distingua el en spezial tranter ils gudogns tenor l'art. 24a da la Lescha federala dals 14 da december 1990<sup>3</sup> davart l'armonizaziun da la taglia directa dals chantuns e da las vischnancas (LATD) ed ils ulteriurs gudogns.

*Art. 23a Disposiziuns transitoricas tar la midada dals 17 da zercladur 2016*

<sup>1</sup> Per calcular il potenzial da resursas tenor l'artitgel 3 alinea 3 appligescha il Cussegli federal, durant 5 onns suenter l'entrada en vigur da la midada dals 17 da zercladur 2016, er vinavant ils facturs beta dals onns da referencia 2016–2019 sin ils gudogns da las personas giuridicas ch'en suttamessas a la taglia tenor l'artitgel 28 alineas 2–4 LATD<sup>4</sup>. Quai vala er, sche las personas giuridicas renunzian voluntar-maint a lur status fiscal spezial suenter ils 31 da december 2015. A partir dal segund onn suenter l'entrada en vigur da la midada dals 17 da zercladur 2016 vegn il volumen da questi gudogns, che vegn validà er vinavant cun ils facturs beta, reduci mintga onn per in tschintgavel.

<sup>1</sup> Fegl uffizial federal **2015** 5069

<sup>2</sup> CS **613.2**

<sup>3</sup> CS **642.14**

<sup>4</sup> CS **642.14**



<sup>2</sup> Dal tschintgavel fin a l'indeschavel onn suenter l'entrada en vigur da questa mida-  
da po il Cussegħ federal introducir limitas minimalas u maximalas per ils fakturs, cun  
ils quals vegnan resguardads ils gudogns da las persunas giuridicas tar la calculaziu-  
nal potenzial da resursas tenor l'artitgel 3 alinea 3.

<sup>3</sup> En divergenza da l'artitgel 5 alinea 1 emprima frasa fixescha l'Assamblea federala  
cun il conclus federal las contribuziuns da basa a la gulivaziun da las resursas per il  
segund e terz onn suenter l'entrada en vigur da questa midada.

<sup>4</sup> Il segund onn suenter l'entrada en vigur da questa midada suuttametta il Cussegħ  
federal a l'Assamblea federala in rapport sco basa da decisiu per:

- a. fixar las contribuziuns da basa a la gulivaziun da las resursas dal quart fin il  
settavel onn suenter l'entrada en vigur da la midada; e
- b. far adattazziuns da la gulivaziun da las resursas che pudessan esser necessa-  
rias pervia da questa midada.

<sup>5</sup> Dal tschintgavel fin a l'indeschavel onn suenter l'entrada en vigur da questa mida-  
da sa drizza la dotaziun minimala, che vegn prendida en mira confurm a l'artitgel 6  
alinea 3, tenor las resursas decisivas dal quart onn suenter l'entrada en vigur da la  
midada. Per quest intent paja la Confederaziun dal tschintgavel fin a l'indeschavel  
onn suenter l'entrada en vigur da la midada contribuziuns cumplementaras da 180  
milliuns francs per onn als chantuns pertutgads.

<sup>6</sup> En divergenza da l'artitgel 9 alinea 1 emprima frasa fixescha l'Assamblea federala  
cun il conclus federal las contribuziuns da basa a la gulivaziun da las grevezzas geo-  
grafic-topograficas e sociodemograficas per la perioda dal segund fin al settavel onn  
suenter l'entrada en vigur da questa midada.

<sup>7</sup> En divergenza da l'artitgel 9 alinea 2 adattescha il Cussegħ federal ils medis finan-  
ziars per la perioda dal terz fin al settavel onn suenter l'entrada en vigur da questa  
midada, a la chareschia.

<sup>8</sup> En divergenza da l'artitgel 18 alinea 1 suuttametta il Cussegħ federal a l'Assamblea  
federala il sisavel onn suenter l'entrada en vigur da questa midada in rapport davart  
l'efficacitad che cumpiglia la perioda dal segund fin al settavel onn suenter l'entrada  
en vigur da la midada.

## **2. Lescha federala dals 14 da decembre 1990<sup>5</sup> davart la taglia federala directa**

### *Ingress*

sa basond sin ils artitgels 128 e 129 da la Constituziun federala<sup>6</sup>,

*Art. 58 al. 1 lit. c seconda frasa  
abolì*

<sup>5</sup> CS 642.11

<sup>6</sup> CS 101



## *Art. 59 al. 1 lit. f ed 1bis–1sexies*

<sup>1</sup> Las expensas motivadas da la fatschenta cumpigliant er:

- f. il tschains calculatoric sin l'agen chapital da segirezza.

<sup>1bis</sup> L'agen chapital da segirezza correspunda a la part da l'agen chapital tenor l'artitgel 125 alinea 3 che surpassa l'agen chapital che vegn duvrà a lunga vista per l'activitat commerziala. El vegn calculà a maun da tariffas da cuvrida da l'agen chapital ch'èn graduadas tenor la ristga da la categoria da las activas; en quest conex vala l'artitgel 52 confurm al senn.

<sup>1ter</sup> Exclus è in tschains calculatoric sin:

- a. participaziuns tenor l'artitgel 69;
- b. activas betg necessarias per il manaschi;
- c. las reservas zuppadas declaradas tenor l'artitgel 61a, inclusiv la plivalur creada sez, sco er reservas zuppadas cumparegliablas declaradas, ma betg suittamessas a la taglia;
- d. activas en connex cun transacziuns ch'effectueschan in respargn fiscal nun-giustifitgà, en spezial pretensiuns da tut gener envers persunas che ststattan datiers, uschenavant che questas pretensiuns derivan da l'alienaziun da participaziuns tenor l'artitgel 69 u da distribuziuns.

<sup>1quater</sup> La tariffa dal tschains calculatoric sin l'agen chapital da segirezza sa drizza tenor la rendita d'obligaziuns da la Confederaziun da 10 onns. Uschenavant che l'agen chapital da segirezza consista proporzionalmain da pretensiuns da tut gener envers persunas che ststattan datiers, po vegnir fatga valair ina tariffa da tschains che correspunda a la tariffa appligada per terzas varts; l'alinea 1<sup>ter</sup> litera d resta resalvà.

<sup>1quinquies</sup> Il tschains calculatoric sin l'agen chapital da segirezza vegn calculà a la fin da la perioda fiscala sin basa da la valur media da las singulas activas, validadas per valurs da la taglia sin gudogn, e da l'agen chapital durant la perioda fiscala respectiva sco er da las tariffas da cuvrida da l'agen chapital tenor ils alineas 1<sup>bis</sup> ed 1<sup>ter</sup> e da las disposiziuns davart la tariffa dal tschains calculatoric tenor l'alinea 1<sup>quater</sup>.

<sup>1sexies</sup> Il Departament federal da finanzas decretescha las disposiziuns executivas per ils alineas 1<sup>bis</sup>–1<sup>quinquies</sup>.

## *Art. 61a Decleraziun da reservas zuppadas al cumenzament da l'obligaziun da pajar taglia*

<sup>1</sup> Sch'il pajataglia declera al cumenzament da l'obligaziun da pajar taglia reservas zuppadas, inclusiv la plivalur creada sez, n'èn quellas betg suittamessas a la taglia sin il gudogn. Betg vegnir declaradas na dastgan reservas zuppadas d'ina societad da chapital u d'ina associazion che derivan da participaziuns d'almain 10 pertschient dal chapital da basa u da tschep u dal gudogn e da las reservas d'ina autra societad.

<sup>2</sup> Sco cumenzament da l'obligaziun da pajar taglia valan la dischlocaziun da valurs da facultad u da funcziuns davent da l'exterior en ina interpresa u en ina filiala da l'interpresa en Svizra, la fin d'ina liberaziun da taglia tenor l'artitgel 56 sco er la dischlocaziun da la sedia u da l'administraziun effectiva en Svizra.



## Lescha davart la refurma da la taglia sin interpresas III

<sup>3</sup> Las reservas zuppadas declaradas ston vegnir amortisadas mintga onn per la tariffa che vegn applitgada fiscalmain per amortisaziuns sin las valurs da facultad respectivas.

<sup>4</sup> La plivalur creada sez e declarada sto vegnir amortisada entaifer 10 onns.

*Art. 61b* Decleraziun da reservas zuppadas a la fin da l'obligaziun da pajar taglia

<sup>1</sup> Sche l'obligaziun da pajar taglia finescha, èn suttamessas a la taglia las reservas zuppadas betg declaradas ch'en avant maun quel mument, inclusiv la plivalur creada sez.

<sup>2</sup> Sco fin da l'obligaziun da pajar taglia valan la dischlocaziun da valurs da facultad u da funcziuns en ina interpresa u en ina filiala da l'interpresa a l'exterior, la terminaziun da la liquidazion, la midada ad ina liberaziun da taglia tenor l'artitgel 56 sco er la dischlocaziun da la sedia u da l'administraziun effectiva a l'exterior.

*Art. 196 al. 1*

<sup>1</sup> Ils chantuns consegnan a la Confederaziun 78,8 pertschient da las taglias incassadas, da las multas adossadas pervia d'omission fiscala u pervia da violaziun d'obligaziuns da procedura sco er dals tschains incassads.

### **3. Lescha federala dals 14 da decembre 1990<sup>7</sup> davart l'armonisaziun da la taglia directa dals chantuns e da las vischnancas**

*Art. 8a* Gudogn tras patentas e tras dretgs cumparegliabels en cas d'activitat da gudogn independenta

Per il gudogn tras patentas e tras dretgs cumparegliabels en cas d'activitat da gudogn independenta è applitgabel l'artitgel 24a tenor il senn.

*Art. 10a* Deducziun d'expensas da perscrutaziun e da svilup en cas d'activitat da gudogn independenta

Per la deducziun d'expensas da perscrutaziun e da svilup en cas d'activitat da gudogn independenta è applitgabel l'artitgel 25a tenor il senn.

*Art. 14 al. 3 seconda frasa*

<sup>3</sup> ... Per la facultad che resulta da dretgs tenor l'artitgel 8a, pon ils chantuns prevair ina reducziun da la taglia.

# S

*Art. 24 al. 3bis emprima frasa e 3quater lit. b*

<sup>3bis</sup> Sch'ina societad da chapital u in'associazion transferescha ina participaziun ad ina societad dal medem concern a l'exterior, vegn suspendida l'imposiziun da taglia sin la differenza tranter la valor da la taglia sin il gudogn e la valor commerziale da la participaziun. ...

<sup>3quater</sup> Tranter societads da chapital ed associaziuns svizras ch'èn – en il context da las circumstanzas concretas – reunidas sut ina direcziun unitara d'ina societad da chapital u d'ina associazion grazia a la maioritat da las vuschs u en outra moda, pon participaziuns directas u indirectas d'almain 20 pertschient dal chapital da basa u da tschep d'ina autra societad da chapital u associazion, manaschis u parts da manaschis sco er objects da la facultad investida dal manaschi vegnir transferids per las valurs ch'eran decisivas fin lura per la taglia sin il gudogn. Resalvà resta:

b. *aboli*

*Art. 24a Gudogn tras patentas e tras dretgs cumparegliabels*

<sup>1</sup> La quota dal gudogn tras patentas e tras dretgs cumparegliabels, che deriva da las expensas da perscrutaziun e da svilup dal pajataglia, vegn resguardada cun ina reducziun da 90 pertschient tar la calculaziun dal gudogn net puttameiss a la taglia. Ils chantuns pon prevair ina reducziun pli pitschna.

<sup>2</sup> Sche la taglia sin il gudogn tras dretgs tenor l'alinea 1 vegn reducida per l'emprima giada, vegnan las expensas da perscrutaziun e da svilup, ch'èn imputablas a questi dretgs e ch'èn gia vegnidas resguardadas en periodas fiscales passadas, sco er in'eventuala deducziun tenor l'artigel 25a agiuntadas al gudogn net puttameiss a la taglia. En la dimensiun da la summa agiuntada sto vegnir furmada ina reserva zuppada e puttameissa a la taglia.

<sup>3</sup> Da la calculaziun tenor l'alinea 2 poi vegnir desistì il mument da l'emprima imposiziun da taglia tenor l'alinea 1, sch'ilis chantuns garanteschan che l'imposiziun haja lieu en outra moda entaifer 5 onns suenter l'emprima imposiziun.

<sup>4</sup> Il Cussegl federal decretescha las disposiziuns executivas, en spezial areguard la definiziuni dals dretgs cumparegliabels, areguard la calculaziun dal gudogn relevant tras patentas e tras dretgs cumparegliabels sco er areguard las obligaziuns da documentaziun dal pajataglia che dumonda la reducziun. Sco dretgs cumparegliabels po il Cussegl federal definir en spezial invenziuns betg patentadas d'interpresa pitschnas e mesaunas sco er software. En quest connex garantescha el ina imposiziun da taglia competitiva da retgavas che derivan da patentas e da dretgs cumparegliabels. Las disposiziuns executivas vegnan examinadas periodicamain e sche necessari adattadas.

*Art. 24b Decleraziun da reservas zuppadas al cumenzament da l'obligaziun da pajar taglia*

<sup>1</sup> Sch'il pajataglia declera al cumenzament da l'obligaziun da pajar taglia reservas zuppadas, inclusiv la plivalur creada sez, n'èn quellas betg puttameiss a la taglia sin il gudogn. Betg vegnir declaradas na dastgan reservas zuppadas d'ina societad da



chapital u d'ina associazion che derivan da participaziuns d'almain 10 pertschient dal chapital da basa u da tschep u dal gudogn e da las reservas d'ina autra societad.

<sup>2</sup> Sco cumentzament da l'obligaziun da pajar taglia valan la dischlocaziun da valurs da facultad u da funcziuns davent da l'exterior en ina interpresa u en ina filiala da l'interpresa en Svizra, la fin d'ina liberaziun da taglia tenor l'artitgel 23 alinea 1 sco er la dischlocaziun da la sedia u da l'administraziun effectiva en Svizra.

<sup>3</sup> Las reservas zuppadas declaradas ston vegnir amortisadas mintga onn per la tariffa che vegn appligada fiscalmain per amortisaziuns sin las valurs da facultad respectivas.

<sup>4</sup> La plivalur creada sez e declarada sto vegnir amortisada entaifer 10 onns.

*Art. 24c Decleraziun da reservas zuppadas a la fin da l'obligaziun da pajar taglia*

<sup>1</sup> Sche l'obligaziun da pajar taglia finescha, èn su ttamessas a la taglia las reservas zuppadas betg declaradas ch'en avant maun quel mument, inclusiv la plivalur creada sez.

<sup>2</sup> Sco fin da l'obligaziun da pajar taglia valan la dischlocaziun da valurs da facultad u da funcziuns en ina interpresa u en ina filiala da l'interpresa a l'exterior, la terminaziun da la liquidaziun, la midada ad ina liberaziun da taglia tenor l'artitgel 23 alinea 1 sco er la dischlocaziun da la sedia u da l'administraziun effectiva a l'exterior.

*Art. 25 al. 1 lit. f ed 1ter–1septies*

<sup>1</sup> Las expensas motivadas da la fatschenta cumpigliant er:

- f. il tschains calculatoric sin l'agen chapital da segirezza, premess che la lescha chantunala prevesia quai e che dividendas, quotas da gudogn, surpris da liquidaziuns ed avvantatgs finanzials da participaziuns da tut gener da la facultad privata, ch'importan almain 10 pertschient dal chapital da basa u da tschep d'ina societad da chapital u d'ina associazion (participaziuns qualifitgadas), vegnian su ttamess per almain 60 pertschient a la taglia.

<sup>1ter</sup> L'agen chapital da segirezza corrispunda a la part da l'agen chapital su ttamess a la taglia en Svizra avant ina reducziun tenor l'artitgel 29 alinea 3 che surpassa l'agen chapital che vegn duvrà a lunga vista per l'attività commerciale. El vegn calculà a maun da tariffas da cuvrida da l'agen chapital ch'en graduadas tenor la ristga da la categoria da las activas.

<sup>1quater</sup> Exclus èn tschains calculatoric sin:

- a. participaziuns tenor l'artitgel 28 alinea 1;
- b. activas betg necessarias per il manaschi;
- c. activas tenor l'artitgel 24a;
- d. las reservas zuppadas declaradas tenor l'artitgel 24b, inclusiv la plivalur creada sez, sco er reservas zuppadas cumparegliables declaradas, ma betg su ttamessas a la taglia;



- e. activas en connex cun transacciuns ch'effectueschan in respargn fiscal nungiustifitgà, en spezial pretensiuns da tut gener envers persunas che ststattan datiers, uschenavant che quellas derivan da lalienaziun da participaziuns te-nor lartitgel 28 alineas 1–1<sup>ter</sup> u da distribuziuns.

<sup>1quinquies</sup> La tariffa dal tschains calculatoric sin lagen chapital da segirezza sa drizza tenor la rendita d'obligaziuns da la Confederaziun da 10 onns. Uschenavant che quel consista proporzionalmain da pretensiuns da tut gener envers persunas che ststattan datiers, po vegnir fatga valair ina tariffa da tschains che correspunda a la tariffa applitgada per terzas varts; lalinea 1<sup>quater</sup> litera e resta resalvà.

<sup>1sexies</sup> Il tschains calculatoric sin lagen chapital da segirezza vegn calculà a la fin da la perioda fiscala sin basa da la valur media da las singulas activas, valitadas per valurs da la taglia sin gudogn, e da lagen chapital durant la perioda fiscala respectiva sco er da las tariffas da cuvrira da lagen chapital tenor ils alineas 1<sup>ter</sup> ed 1<sup>quater</sup> e da las disposiziuns davart la tariffa dal tschains calculatoric tenor lalinea 1<sup>quinquies</sup>.

<sup>1septies</sup> Il Departament federal da finanzas decretescha las disposiziuns necessarias per ils alineas 1<sup>ter</sup>–1<sup>sexies</sup>.

#### *Art. 25a Deducziun dexpensas da perscrutaziun e da svilup*

<sup>1</sup> Ils chantuns pon permetter ina deducziun da maximalmain 150 pertschient da las expensas da perscrutaziun e da svilup che surpassan las expensas motivadas da la fatschenta.

<sup>2</sup> Las expensas da perscrutaziun e da svilup èn deducibles, uschenavant che quellas èn vegnididas fatgas en Svizra directamain tras il pajataglia sez u indirectamain tras terzas persunas.

<sup>3</sup> Sch'il mandant da la perscrutaziun e dal svilup ha il dretg da far deducziuns, n'ha il mandataria nagin dretg da far deducziuns.

<sup>4</sup> Il Cussegli federal definescha las expensas da perscrutaziun e da svilup en las disposiziuns executivas.

#### *Art. 25b Distgorgia maximala*

Lentira reducziun fiscala tenor ils artitgels 24a, 25 alinea 1 litera f e 25a na dastga betg surpassar 80 pertschient dal gudogn suttamess a la taglia avant la deducziun da las perditas, cun exclusiun dal retgav net da las participaziuns tenor lartitgel 28 alineas 1 ed 1<sup>bis</sup> ed avant la deducziun da las reducziuns numnadas qua survart. Tras las reducziuns na dastgan ultra da quai resultar nagins transports da perditas. Ils chantuns pon prevair ina reducziun pli pitschna.

#### *Art. 28 al. 2–5*

*abolì*

#### *Art. 29 al. 2 lit. b e 3*

<sup>2</sup> Lagen chapital suttamess a la taglia consista:



b. *aboli*

<sup>3</sup> Ils chantuns pon prevair ina reducziun da la taglia per l'agen chapital che resulta da dretgs da participaziun tenor l'artitgel 28 alinea 1 e da dretgs tenor l'artitgel 24a sco er d'emprests a societads dal medem concern.

*Art. 72u* Adattaziun da la legislaziun chantunala a la midada  
dals 17 da zercladur 2016

<sup>1</sup> Fin a l'entrada en vigor da la midada dals 17 da zercladur 2016 adatteschan ils chantuns lur legislaziun als artitgels 8a, 10a, 14 alinea 3 segunda frasa, 24 alineas 3<sup>bis</sup> emprima frasa e 3<sup>quater</sup> litera b, 24a–24c, 25 alineas 1 litera f ed 1<sup>ter</sup>–1<sup>septies</sup>, 25a, 25b, 28 alineas 2–5 sco er 29 alineas 2 litera b e 3, sch'il dretg fiscal chantunal cuntrafa a tals.

<sup>2</sup> Suenter questa data vegnan appligtads directamain ils artitgels 8a, 10a, 14 alinea 3 segunda frasa, 24 alineas 3<sup>bis</sup> emprima frasa e 3<sup>quater</sup> litera b, 24a–24c, 25 alineas 1 litera f ed 1<sup>ter</sup>–1<sup>septies</sup>, 25a, 25b, 28 alineas 2–5 sco er 29 alineas 2 litera b e 3, sch'il dretg fiscal chantunal cuntrafa a tals.

*Art. 78g* Disposiziuns transitoricas tar la midada dals 17 da zercladur 2016

<sup>1</sup> Sche las personas giuridicas èn vegnididas suttamessas a la taglia tenor l'artitgel 28 alineas 2–4 avant che la midada dals 17 da zercladur 2016 è entrada en vigor, vegnan las reservas zuppadas ch'existan il mument da l'entrada en vigor da la midada, inclusiv la plivalur creada sez, suttamessas – en cas da realisaziun – separadamain a la taglia entaifer ils proxims 5 onns, uschenavant che quellas na fissan betg stadas suttamessas a la taglia fin lura.

<sup>2</sup> L'autezza da las reservas zuppadas che la persona giuridica fa valair il mument da l'entrada en vigor da questa midada, inclusiv la plivalur creada sez, sto vegnir fixada da l'autoritatad da taxaziun a maun d'ina disposizion.

<sup>3</sup> Las amortisaziuns sin reservas zuppadas, inclusiv la plivalur creada sez, ch'èn vegnididas declaradas a la fin da l'imposizion da taglia tenor l'artitgel 28 alineas 2–4, vegnan resguardadas tar la calculaziun tenor l'artitgel 25b.

#### **4. Lescha federala dals 22 da zercladur 1951<sup>8</sup> davart l'execuziun da convenziuns internaziunalas concludidas da la Confederaziun per evitar cas d'imposizion dubla da taglia**

*Art. 2 al. 1 lit. g*

<sup>1</sup> Il Cussegli federal è en spezial cumpetent:

g. per fixar las premissas, sut las qualas ina filiala svizra d'ina interpresa estra po dumandar la fixaziun pauschala da taglia, sch'ella è suttamessa – tant areguard la taglia federala directa sco er areguard las taglias chantunala e



communalas – a la taglia ordinaria sin il gudogn per retgavs che derivan d’interz stadi e ch’èn suttamess a taglias betg restituiblas.

## II

<sup>1</sup> Questa lescha è suttamessa al referendum facultativ.

<sup>2</sup> Il Cussegħi federal fixescha l’entrada en vigur.



**PP**  
**Spedizion postala**

Trametter enavos a la controlla  
d'abitants da la vischnanca

**Recumandaziuns  
a las votantas ed als votants**

Il Cussegli federal ed il parlament  
recumondan da votar  
ils 12 da favrer 2017 sco suonda:

- Gea al conclus federal davart la  
naturalisaziun facilitada da persunas  
estras da la terza generaziun
- Gea al conclus federal davart  
la creaziun d'in fond per las  
vias naziunalas ed il traffic  
d'aglomeraziun (NAF)
- Gea a la Lescha federala davart  
mesiras fiscales per rinforzar la  
cumpetitivitat da la Svizra sco lieu  
d'interpresas (Lescha davart la re-  
furma da la taglia sin interpresas III)

Fin da redacziun:  
2 da november 2016

Video da votaziun:  
[www.admin.ch/videos](http://www.admin.ch/videos)



Ulteriuras infurmaziuns sin:  
[www.admin.ch](http://www.admin.ch)  
[www.parlament.ch](http://www.parlament.ch)  
[www.ch.ch](http://www.ch.ch)

Edì da la Chanzlia federala